

SINLAI – 10 SAPTUAM DIK APAN PIALMANGNA

Thumapi: Pialmangna kichi adik a pai lai, adiklou a va pai chihna ahi. ‘Lamhaih’ leng achih theih hi. Thukhun Lui hun apan tuni tan in Pathian mite amah deih louh lam zui in a na pialmang kha nak uh.

Adam le Evi in Pathian khaam theigah ne in Pathian apan a na pialmangta uh (Gen. 3:8-13; Isai 59:1-2). Kaina in a naupa that in a na pialmang (Gen. 4:3-8). Noa dam lai in mipite Noate inkuan chihlouh Pathian apat na pialmang in tuichiim ah a na mangthang vek uh (Gen. 6:14-7:23). Noa suante’n Pathian apat pialmang in Babel innsaang lam a tum ua, a lohsam uh (Gen. 11:1-9). Sinai Tang a Mosi leh Pathian kihou kal in Israelte’n bawngnou lem peuh bia in a na pialmang uh (Exodus 32:1-10).

Aron tapa, siampu Nadab leh Abihu in Pathian chih/thupiak louh mei a gimlim a hal ziak un thah in a om uh (Lev. 10:1-3). Israelte Pathian a a gin-om louh ziak un, gamdai ah kum 40 sung vakvaihsak in a om uh (Nambars 32:11-13). Kum 40 gamdai a a khualzin lai un, tamveipi Pathian apat pialmang in, Pathian gawtna chi tuamtuum leh sa-le-gal a mat leh thah in a om uh. Mosi sih nung Kanaan gamchiam a luah nung un leng, Israelte’n namdangte tenpih in, a milem pathian peuh uh biakpih in, Pathian apat a pialmang zihzeh ua, gamdang kumpite’n a gam uh Palestine gam apat suak-le-sal in a kaai ua, kum tampi saltang in a om uh chih i mu hi (Joshua 24:20-23; II Kumpite 17:1-23).

Atawp in Pathian in mihingte amah kiang a pikik nawn ding in a tapa tang neihsun Jesu Khriis a hon sawl a, Judate adia hong pai biik himahleh a na deih kei ua, Pathian a na pialmang san ua, khros ah a na kilhlum sakta uh. Huchiin Khriis in amah sisan ngei a a namkip, a chiamsa bang in a Saptuam, Jerusalem ah, Pentikost ni’n, A.D. 33 vel in a phut a, huai Saptuam kivaipuakdan, amin, biak dan leh dan bukim, Khasiangthou theihsak, Apostolte zang in Thukhun Thak a hon peta hi (Isai 2:2-3; Matthai 16:18; Luka 24:47-49; Nasepte 2; II Peter 1:21; II Timothi 3:16),

Huaiziakin Pathian thu, Thukhun Thak dan a pai louh tuh pialmangna leh tatekna ahi (II John. 9; I John 3:4). Thukhun Thak gelh ahih sung ngei in leng Anania le Saphirate nupa Pathian apat a pialmang ua, thah in a om uh (Nasepte 5:1-11).

Nungzuite leh Pentikost ni a piangthakte’n mun tuam leh gam tuamtuum ah, Tanchinhoih puangzak in Saptuam a phutkhia uhi. Huai hun lai in Jesu Khriis phuhkhiak Saptuam khat kia om in, gindan leh thukihilhna kibang, min khat kia nei Saptuam ahi vek uh. Sawltak Paul in “Himahleh, koumau hiam aw, van a kipan a hong suk angel na-ngawn hiam in leng, tanchinhoih dang himhim hon na hilhta a om uh leh, hamseloh in om hen. Tuma a ka gen bangmah un, tua gen nawn ding ka hi. Tanchinhoih na muh pen loungal uh Tanchinhoih dang kuapeuh in nou a hon hilh leh hamseloh in om hen” (Gal. 1:8-9) achi hi. Huchi hileh amaute gelh Thukhun Thak a kigen loungal Tanchinhoih dang zuih tuh pialmangna ahi; kuama’n huaite behlap theihna, lakkhen theihna leh khek theihna thu i nei ngal kei ua (Kilakna 22:18-19; Deut 4:2; Paunakte 30:6).

Ahihlel tulai a Pathian thu-awi kichi a Jesu Khriis gingta, Laisiangthou kibang zuite lak ah pawl tuamtuum 300 val bang kipha a, awi/zuih dan, gin dan leh biak dan tuam nei chiat lak

ah, pawl khat kia loungal pialmang ahi khin vek uh chih Laisiangthou in hon hilh hi. Huaite koi apat a, bang kum a, bangchidan a pialmang ahi ua chih i sui ding.

I. ZAWLNEI TAKLOU:

1. Haichi i tuh bangbang kung hong pou mahbang in Tanchinhoih diklou hilh a, pialmangna hong tung dingte Jesu'n a na genkhol hi (Matthai 7:15-23). Huchi bang mite thuhilhna a kipan in tulai a pawl-bawltawm (denomination) tuamtuamte a hong piang uhi.
2. Khri's Saptuam phuhkhiak ahih nung zek, Apostolte hun lai in leng, khenkhatte ginna apat pialmang a (I Tim 4:1), thutak kiheimangsan a (II Tim. 4:4), tanchinhoih hihlamdang ut om ding ahih dan Pathian in a na theisak hi (Gal. 1:7; Nasepte 20:29-30).

II. PIALMANGNA HONG OMDANTE

1. Tualsung Saptuam kivaipuakna ah. Thukhun Thak a Pathian deihdan in Khri's tuh Saptuam lutang ahi (Matthai 28:18; Ephesa 1:22; Kolossa 1:18). Upate'n Saptuam a enkol ua (Nasepte 20:28), panpihtu deacons a om uh (I Tim. 3:8-12). Upate lak ah aliantuam-aneutuam a om kei. Himahleh A.D 150 vel in, Apostolte sih khit vek nung in, tualsung a Upate lak a khat koihsang tuam in, 'Diocese' kichi uk khat sung a Saptuam om tengteng tung a thuneihna pia in 'Bishop' chi in a minvuahta uh.
2. Huchiin Ukpi bing khat sung a Bishop omte'n kikhop-khawmnate bawl in sahkho tengteng ah kikap khawmnate leh thupuknate bawl in, mihing kithuhilhnhate leh dan bawlte, Saptuamte zat ding in a hong piangta. A.D. 325 in Constantinople kiang a Nicea khopi ah, Rome kumpipa Constantine in a gam tumlam pang a om Bishop tengteng khawmpi sam in, "Nicene Creed = Nisen Dan" kichi hon gelh kheta ua. Huai tuh Saptuam lamkai tengteng in a pom ua, mihing dan bawl masapen hong hita hi. Huai dan zui nuamloute "heretic = Pathian thu-awilou" chi in nasatak in a gawt uhi. Huai lai in kumpipa Constantine khristian ahi kei a, himahleh Saptuamte lak ah a thu-pai mahmah hi. Laisiangthou gelhkhiak theihna ding thu pia in, Saptuamte kumpi nasepna lianpipi a guan hi. Amah hong lal tuung in khristiante nasatak a gawt ahi ua, himahleh khristiante tawh kihouthaih tuh a gam adia bitna leh muanna ahih dan thei in A.D. 313 in "Edict of Milan = Milan Thupuan" kichi bawl in khristiante sawina a sutawpta hi.
3. Huai lai in Rome gam kumpi kivaipuak dan hichi bang ahi: Kumpipa nuai a Advisor bangzahhiam om a, Advisorte nuai ah Governor bangzahhiam chiat a om nawn. Hichi bang kivaipuakna tuh vaivenhuai leh kizen, khovel pumpi etton ahih ziak in Saptuam kivaipuakna ding in hon enlahta ua. Huai toh kibang in Rome a Bishop tuh 'Pope' chi in khovel pumpi khristiante 'Pa' hisak in, amah nuai ah Cardinal bangzahhiam a koih ua, Cardinalte nuai ah Archbishop bangzahhiam, Archbishopte nuai ah Bishop bangzahhiam, a gam alet-aneu dungzui a uk ding in a bawlta uhi. Hiai tuh tuni tan a Roman Catholic-te ki-ukdan ahi. A.D. 606 in Boniface III in hiai Saptuam lutang hihna, 'Pope' min la in Roman Catholic Pope masapen a hong hita hi. Huai lai khawng in Khri's Saptuam, khristian gin-omte Pope thu a kumpipa gawtna leh sawina ziak in a kiamlam ahita ua, munteng-gamteng ah a kithehthangta uhi. Huchiin, Solkal thuneihna leh Saptuam thuneihna paikhawm/gawmkhawm in Rome tuh Roman Catholic-te khuukpi a hong hita hi. Hiai tuh denomination (pawl bawltawm) dinkhiak patna a hong hita.

III. PAWL TUAMTUAM A KAKHIA A PIALMANGTE

1. Kum 1054 A.D. in Catholic Saptuam tuh Roman Catholic leh Greek Orthodox Saptuam chih in pawl nih in a kisehkhen ua, amau-le-amau kikal a kibatlouhna tampi a om kia hilou in, Laisiangthou a Saptuam toh a kibang a om kei veve uhi. Hiai tuh pawl-bawltawm a kipan pawl-bawltawm mah kaatkhiakna masapen a hong hita hi.

2. Roman Catholic-te'n chiindan tuamtuum, biak dan tuamtuum Laisiangthou a kigenlou, ani-ani, akha-akha leh akum-akum in hon pankhia ua, huaite lak a khenkhatte tuh: khelh ngaihdamna ding sum a lei theih, Roman siampute Pathian palai hi a, khelh ngaidamna pe thei, tui siangthou, mass = ankuanglui, zi-pasal neilou a omna (celibacy), sacrament - tanghou leh wine Jesu sa leh sisan hong suak taktak ahi, purgatory = misikhua, baptisma tui a kitheh theih/tak theih, extreme unction = damlou leh misi sathau nilh, Laisiangthou mipite sim dia phal louh chihthe khawng ahi.

Toupa thu, Thukhun Thak in lah hiaite a khaam bikbek ngal a (II Tim 4:1-3). Laisiangthou mipi theih theih dia pau dang a letkhia leh gelhte John Wycliffe, Tyndale-te khawng gawtna mulkimhuai pipi a pia ua, a laigelhte uh kumpi thupiak a khawmkhia in a haltumsak uhi. Kumzabi 16 bul malam in Catholic siampu Martin Luther in Catholic chiindan leh thuhilhna Laisiangthou toh a kikalhna pansan 95 mahmah gelkhia in Wittenburg khopi a biak-inn mai ah a taakkheta. Huchiin amah tuh a gam apat hawlkhia leh thah-le-mat di'n kumpipa'n a thupukta hi. Amah nungzuite tuh Protestant (Nialkalh-pawl) chih in hong omta.

A.D. 1530 in "Augsburg Confession = Augsburg Kipuanna" kichi Luther thuhilhna puankhiak ahi a, huai a kipan in Protestant movement (Nialkalh-pawl helna) in Europe leh gamdang khristian omna teng a zelsuak hi. Hiai kum a kipan in 'Protestant (Nialkalh-pawl) a piangkha a, abulpi uh Roman Catholic apat pawl-bawltawm piankhia ahi. Tuni a Roman Catholic leh Greek Orthodox chihlauh Roman Catholic pai dan Nialkalh-pawl (Protestant) gahsuah vek ahi ua, Roman Catholic chindan leh zuih dan tampi a la thou uhi.'

3. Martin Luther nungzuite A.D. 1530 in Lutheran Saptuam hong kichi uhi. Hiai pawl in Catholic chiindan leh thuhilhna atamzaw paai mahle uh, a hong piankhia uh Roman Catholic hihdan leh biak dan, Laisiangthou a kimulou tampi a zui lai uh.

4. Bawlphatna dia Nialkalh-pawl helna (Protestant Reformation Movement) ziak a Rome Solkal leh Roman Catholic gawtna lau in John Calvin France apat in Switzerland gam ah a taai a, A.D. 1535 in huai gam ah Presbyterian Saptuam a phutkhia hi.

5. Kum 1534 A.D. in England kumpipa Henry VIII (giatna) makaihna in Roman Saptuam apat ki-uk tuamna bawl in Church of England kichi pawl khat phuhkhia ahi nawn a, A.D.1552 in "Forty Two Articles = Thu Sawmli-le-Nih" (anung in 39 in kheng uh) a suah ua, huai gah a pawl-bawltawm piang khete tuh John Wesley phuhkhia Methodist Church (1792) leh Protestant Episcopal Church (1789) ahi uh.

6. Kum 1607 A.D. in John Smyth in Church of England apat pengkhia in, Baptist Church kichi pawl a phutkhe leuleu hi.

N.E.I.G. MISSION 5 IN KIKHEN ZAK

1. Manipur Evangelical Convention (Paite)

2. Manipur Christian Synod (Gangte)

3. Manipur Christian Organisation (Vaiphei)
4. Evangelical Assembly Church (Hmar)
5. Kuki Christian Association (Kuki)

LAI SIANG THOU A SAPTUAM BEL ANUAI A BANG AHI:

- A min** : Khris Saptuam (Rome 16:16)
A phutkhetu : Jesu Khris (Matthai 16:18)

Hiai ban ah tulai a ei lak a Saptuam pawl-bawltawm (denomination) om leh kithei deuhthe a kipat kum, a phutkhetu min leh phuhkhiak a a omna mun i taklang uh:

APHUTKHETU	PAWL MIN	AMUN	AKUM
Bonaface III	Roman Catholic	Rome, Italy	606 AD
Mihon (Group)	Greek Orthodox	Greece	1054 AD
Martin Luther	Lutheran Church	Augsburg, Germany	1530 AD
Henry VIII	Church of England	England	1534 AD
John Calvin	Presbyterian	Switzerland	1535 AD
John Smyth	Baptist Church	London, England	1607 AD
Roger Willian	American Baptist	Providence, R.I	1639 AD
John Welsey	Methodist Church	London, England	1729 AD
Mrs. Ellen G. White	Seventh Day Adventist	Massachusetts	1864 AD
William Booth	Salvation Army	London, England	1865 AD
Charles T. Russel	Jehovah's Witness	Pennsylvania	1874 AD
D.S. Warner	Church of God	United States	1880 AD
Mihon (Group)	United Pentecostal	Anderson, S.C	1898 AD
Mihon (Group)	Assembly of God	Hot Springs, US	1914 AD
Mihin (Group)	N.E.I.G. Mission	Senvon, Manipur	1910 AD
Mihon (Group)	Khristian Convention	Songtal, Manipur	1950 AD
Mihon (Group)	Evangelical Convention	Sinzawl, Manipur	1973 AD

SINLAI 10-NA ETKHIAKNA

1. Galatia 1:8-9 Paul in Tanchinhoih amau gen bang lou a gente bangchi heh achi a?

2. Thukhun Thak dungzui in Khris chihlough Saptuam enkolte lak a lianpen bang a kichi a?

3. Tualsung Saptuam enkoltu Bishop-te bial nei a bawl masakpen bang kum ahia?

4. Laisiangthou a tuang lou mihing Dan bawlkhiak masak pen 'chik kum ahia?

5. Roman Catholic a Pope kichi om masakna pen 'chik kum ahia?

6. Laisiangthou a i muh het louh pawl-bawltawm (denomination) masapen min bang ahia?

7. Protestant (Nialkalh-pawl) kichi phutkhetu kua ahia?

8. Hiai Nialkalh-pawlte'n kuate ahia a nial/kalh uh?

9. Presbyterian phukhetu kua ahia? 'Chik kum a a phuhkhiak ahia?

10. Hiai anuai a kipia nam minte zawn ah N.E.I.G. Mission nuai a pawl min chiat uh gelh in.

i) . Paite : _____

- ii). Vaiphei : _____
- iii) . Gangte : _____
- iv) . Kuki : _____
- v) . Hmar : _____

11. Hiai anuai a pawl min kigelhte ban ah phuhkhiak a a om kum uh gelh in.

- i). Roman Catholic : _____
- ii) United Pentecostal Church : _____
- iii) Presbyterian : _____
- iv) Seventh Day Adventist : _____
- v) Church of England : _____

12. Hiai anuai a pawl min kigelhte kipat khiakna mun amin zawn chiat uah gelh in.

- i) Evangelical Convention : _____
- ii) Khristian Convention : _____
- iii) Baptist Church : _____
- iv) Salvation Army : _____
- v) Church of England : _____

13. Hiai anuai a mun-awngte hihdim in:

- i) “Himahleh, _____ Chiang in mi _____ te’n _____ kate leh _____ thuhilhna _____ ginna tuh a hon _____ ding uh chih _____ kichiantak in a gen” (I Tim 4:1).
- ii) “Khris _____ ziak a nou _____ huchi guih a _____ lam a na _____ uh _____ ka sa hi; _____ a om ahi kei a; _____ hon hihbuai in, _____ hihlamdan ut _____ hiam a na om uh ahi” (Gal 1:6-7).
- iii) “Ama’n tuh _____ tengteng _____ van a om _____ tuh _____ in a _____ ding” (Matthai 15:13).

iv) “Midang _____kiang ah _____ a om kei; van nuai a mihing
_____ lak ah hon _____ ding _____ dang
himhim a _____ kei, achi a” (Nasepte 4:12).